



Svmma Juris Canonici

Comprehensa Tribus Partibus In Qva Distincte Et Svccincte Explicantur,
quæ ad personas, negotia, & iudicia Ecclesiastica ex Canonum præscripto,
pertinent

Sive Antinomia Ivris Pontificii Et Cæsarei - per CCL. Differentias plurium
Doctorum auctoritate probatas, singulari studio in certas classes reducta,
discussa, & explicata

Strein, Johann

Coloniæ Agrippinæ, 1658

CLXXIV. Differentia 45. Secundùm Canones mulier esse procuratrix potest.

[urn:nbn:de:hbz:466:1-61864](https://nbn-resolving.org/urn:nbn:de:hbz:466:1-61864)

dire, ita, ut non oporteat, attendere illi, an litis contestatio facta, an futura sit: nec regula tutoribus, aut curatoribus præscriptæ Ecclesiæ perfides ligent.

II. Contrarium ex *cit. l. Neg. tutores* aliqui deducere conantur, certa an incerta ratione ambiguum. *Textus est.* Neq; tutores, neq; curatores ex sua persona in rem pupilli, vel adolescentis procuratorem facere possunt, sed actorem constituere debent. *Item ipsi etiam tutores, & curatores post litis contestationem à se*

factam ad exemplum procuratorum, qui litem contestati iunt, dare procuratores non prohibentur. Non ergo, *Glossa* dicit procuratorem leges. permittunt tutoribus, & curatoribus, sed syndicum five actorem: & horum exemplo similiter Ecclesiarum prælati pro Ecclesia non possunt, nisi post litis contestationem procuratorem constituere. *Lancelo: l. 2. 3. insit. 2. ff. Canis l. 2. ff. 3. Sylvest. V. Procurator Roderic. Tom. III. regul. Q. 41. artic. 1. Fallens. l. 1. ff. 39.*

CLXXIV.

DIFFERENTIA 45.

Secundum Canones mulier esse procuratrix potest. *c. Cum dilecta. De confirm. utili, vel inutili.* secundum leges non potest. *l. Cum prætor. ff. De iudic. Galvanus 57.*

I. Procurandi munus non tantum in rebus, sed iudicijs quoq; mulieribus concedi ex *c. cit. Cum dilecta* manifestum est. Nam *Alexander III.* eum renovasset privilegia Ecclesiæ Gardevensis, quia prædictum monasterium ad jus & proprietatem Apostol. Sedis pertinebat, ne jus illud indefensum maneret, Abbatissam procuratricem ipsius constituit. Vbi *Glossa.* Sic ergo femina potest esse procuratrix, sic & arbitra. *c. dilecti de arb. similit. & Iudex c. Cum devotissimam 12 Q. 2. Glossa consentiens Silu. V. Femina. n. 4. Femina, ait,* non potest arbitra nec iudicis, aut magistratus officium gerere, nisi in casibus, de quibus *Glo. §. I. 15. Q. 3.* puta, in spiritualibus, quia in temporalibus iudicare potest, ubi est consuetudo *c. Dilecti. De arb. nec postulare, aut procurare, nisi in causa propria & suorum, ut notatur in l. Femina ff. De*

Reg. iur. & §. Tria. Q. 7.

II. Contraria legum sanctio multis in locis comperitur, à civilibus muneribus removendas mulieres esse, non quia iudicio careant, ut furiosi, & amentes, sed quia id quod iudicii habent, propter inconstantiam sufficere magnis curis non videtur. Sed huic decreto derogatum consuetudine multis in provinciis liquet præcipue in regno Gallia; ubi Regina jurisdictionem ordinariam habere creditur, & de comitissa Matilda. idem *Accursus* affirmat. Audio tamen dicentes, extraordinarium id esse, nec communem sensum extinguere. Est omnino in mulieribus sexus fragilitas quæ illas à muneribus excludit *Arnob. l. 7. con. gent.* Nec ulla femina ambidextra fit, si *Hippocrati* credimus in *Aphor. Sect. 7. c. 44.* & *Cicero* testatur *Or. pro Placco* non licere mulieribus sine tutorum, aut procuratorum

A a 3

ratorum

ratorum consilia quicquam agere. Item
Or. pro A. Caccina, ne privatam quidem
rem sine auctore feminas agere maiores
nostri permiserunt. Multo magis igitur a
sceptis removendæ sunt. Non inficiabor

tamen plures ingenio, & virtute præcel-
lentes regnis præiussit, quod sacre &
prophane historie testantur. v. Tholof.
De rep. l. 7. c. 11. Lipsium in Monit. polit.
l. 2. c. 2. Adamum Conzen. l. 1. Polit. c. 26.

CLXXV.

DIFFERENTIA 46.

Secundùm Canones in criminalibus absens condemnari potest post li-
tem contestatam, cum liquet de causa. Gloss. in c. Caveant. 3. 2. 9
Secus iure civili. l. Absentem ff. De pæn. to. ii. De requir.
reis. Io. Bapt. à S. Blasio. 62. Bartol. 8.

In c. Caveant. & sequentibus aliquot
nihil magis inculcatur, quam contra
absentem non esse procedendum, ut mi-
rari liceat, cur dissidere jus Canonicum
à civili dicat Bartol. & Io. Bapt. à S. Bla-
sio. Quod si ad exceptiones confugiunt,
utroque reperient, cessabitque legum,
& Canonum dissonantia. Illud tamen
Glossa in c. Caveant, asserit, videri suffice-
re, si absens diligenter sit requisitus, ad
hoc, ut ferri queat sententia, licet non
sit inventus. c. Causam. De dolo & contum.
c. Ex tua. De cler. non residente. l. properan-
dum §. & si quidem. C. de ind. Vbi Gottifr.
Hic erat mos iudiciorum, ut si liem ce-
ptam pars vna deseruisset, altera postu-
laret adversus illam edictum primum,
quod obtentum condicebatur absenti,
dato ei termino decem dierum. Eo non
comparente secundum edictum peteba-
tur, quod mox eidem absenti denuntia-
batur, additis rursus decem diebus. Eo
iterum non comparente tertium edi-
ctum fiebat, & mittebatur eidem ad-
dicto decennio. Non comparente il-
lo addebatur quartum & perempto-
rium. Interdum tamen omisso quar-
to edicto absens condemnabatur.
11. Et Gordianus Imperator l. 2. c.
Quom & quando iudex sent. proferte debeat.
Cessante causa peremptori edicti adver-
sum eos, qui admoniti adesse iudicio no-
luerunt, sententiam à iudice proferti
posse certum est. v. Vansium de nullit. §.
Ex defectu mand. compar. Ignat. Lopez in
Pract. crim. c. 153. num. 1. Andr. Gail l.
1. obs 109. Vbi docet, regulariter partes
ad audiendam sententiam citandos esse.
Partes autem præsentis sunt vere, vel
per interpretationem, puta, cum quis
verè aut fictè contumax est. l. In causa
cognitione. ff. De minor. 25. annis. Expli-
catus Greg. Tholof. l. 32. c. 24 n 10. Pro-
pter absentiam contumacem solemnibus
edictis vocatus, quando non comparuit,
damnatur, & per sententiam in eum ex
more iudiciorum privatorum irrogantur
pænæ in absentem pecuniaria, & infam-
iæ, & aliæ usque ad relegationem. Facit
Farinacius l. 1. q. 11. qui addit à communi
legum præscripto jus Canonicum excepti
& plenitudinem potestatis, quæ est in
summo Pontifice.

TIT V.